

Es brawet auch in etliche Dörff
fern vnd flecken / vmb Erffurdt
Her / Desgleichen auff Hoffhönen
vnd Züncker gefessen / vieler örter /
gute Biere / Als zu Stetten / Linckwitz /
Pattendorff / Greussen / Kundelbrück /
Weiffensee / Sömmern / vnd anderswo
mehr / wie menniglich wol bewußt ist.

Ihenisch Bier.

Als Ihenisch Bier / ist auch wol
würdig / das es mit vnter die gu-
ten Bier gesezet werde / denn es
dem Wittenbergische Biere nach
schlecht / Vnd hat vns die Hochlöbliche
Vniuersitet zu Ihena / viel manchen Ehr-
lichen / gelerten gesellen in Teudschlanden
zugerichtet vnd geben / der bey dem Ihe-
nischen Biere erzogen / erwachsen / vnd zu
einem Man worden ist / Es hat aber auch
wolgemelte Stadt Ihena / neben dem
Biere / die grosse gabe gutes Weins / der
da erwechset / Derhalben die Hochlöblis-
chen Christlichen fürsten zu Sachsen / wol
daran gethan / das sie eine hohe Schule an
das ort geleget haben / die daselbst / gar
wol / beide für die Studenten / vnd Doctores
oder Praeceptores gelegen / Gott ges-
be der Vniuersitet vnd Stadt wolzufah-
ren / vnd in ehren / lob vnd preis / lang zu
stehen vnd bleiben.

Weinmarisch